



THE DAYBREAK

"WAKAN TANHAN ANPAO KIN HIYOUNHIPI"—LUKE 1:78.

WOKAJUJU 50 CENTS

SANTEE, NEBR., OCT.-NOV., 1935

VOLUME XLVI. NUMBER 6

1885—50th Anniversary Monument of Standing Rock Mission—1935



This monument admonished the Church members not just to rest on their laurels and look back on the glory of the past, but to press onward to more glorious heights. Events of importance to the Church during the 50 years were observed in connection with the Annual Convention.

ANPAO IESKA TAWA TOIE

Little agle, S. D., October, 1935.—Mitakuyepi tecihindapi kin: Anpao Kin tinskoceka qon dehantu kin aoptetu kin wandakapi kinhan tokeca hwo ecannipi kta wan u. Ho mazaska ecitanhan aokpaniyan on kin heon yucigala unkagapi qa wicoie 8000 kipi ece qon wanna 6000 henana ed on kte.

Bishop Hare, Anpao Kin icage kta cin on decen yawašte:

Letter of Commendation:

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain official notices and accounts of official acts and visitations of the Bishop. It is hoped that our people will take it and circulate it.

Printed at the office of the "Forest City Press."

Bishop Roberts nonpa akikde Anpao Kin unkagapi kta kipiya mazaska unqupi, unkan de ed nihipi kinhan wanna wanji unkduotapi kta, qa

wanjina unkokdaptapi kte. Anpao Kin tohan najin qa mazaska icakije kin he owasin nayaonpi wacin. Tuwe Anpao Kin niun kta cinkiya hecinhan takuna ape šni taku on niun kte cin he mazaska kin hee;; hecen mnakiyapi qa katinyan Rev. Paul H. Barbour, Mission, S. D., el yekiya po.—Nitakuye miye.—C. C. R.

PORCUPINE OKODAKICIYE

Porcupine, S. D., October 17, 1935.—Anpao Kin Mitakolapi: Ake wayuotanin cišipi kte lo. St. Albans Chapel el hekta October 6, wicokaya sanpa Wica Omniciye apikiyapi. 1 Mr. Charles Horse, 2 Mr. Thomas Pretty Hip, 3 Mr. John Little Soldier qa Mr. Moses Parts His Hair, 4 Mr. Wm. Iron Bull, Mr. Moses Brave Heart. Mr. Dawson Little Soldier.

Winyan Omniciye kin 1 Mrs. Frances Standing Elk, 2 Mrs. Adel Little Soldier, 3 Mrs. Lucy T. Holy Bear qa Mrs. Fannie Fools Crow, 4 Mrs. Augusta

(Continued on Page Four)

ICIMANI KLIPI

IKLAOTANINPI WAN

King Memorial, Manderson, S. D.—Anpao Kin: Pine Ridge Mission letanhan le olakin kta iceciciye. Okolakiciye Wakan kin el tokei pawankel na-unjinpi hekta omaka 1934-35 el Oitancanpi kin lila hci walitakapi na omaka ihunni canna sanpa caeglepi. Yunkan ake lehantu kin Wakpala, S. D., ekta Convocation econpi ekta King Memorial etanhan wicaša na winyan na tecapi ko 13 henakeca tehantu ešaš ekta ipi, lena etanhan nom naiš yamni ecel wayazankapi, tuka tehanl omniciye ipi, na mazaska 70 sanpa gloipi. Nakun taku tona Convocation el econpi oyasin on oyate tiyata yankapi kin wonaon wašte hena hoši-wicakaglipi.

Icimani unglipi, na Anpetu Wakan icunhan hena on wocekiye unkeyapi. Wakantanka wopila ewakiye. Tokin sanpa na sanpa oyate mitawa kin ob Okolakiciye Wakan el tanyan wowaši econqonpi nin ecanmi ye lo. Tona Anpao iyacupi kin wocekiye on ciksuyapi.

Iyuskin napeciyuzapi, Mr. Oliver Sun Bear.

ST. MARY'S SCHOOL

Flandreau, S. D., Sept. 20, 1935.—Anpao Kin: Following is a report of the first meeting of the St. Mary's group on Sept. 8, 1935.

Senior Warden Ed Dudley, Junior Warden Tony Santee, Secretary and Treasurer Ann Lambert, Chairman Altar Guild Edna Richards, Chairman Acolyte Guild Joe Wright, Chairman Choir Pansy Ross.

The new students were invited to meet Rev. Joseph Ewing and Mrs. Ewing on the evening of Sept. 8 just preceding the election of the new vestry.

Andrew Weston, a former Hare School student, and recently attending Springfield Normal, is living in Flandreau with his mother, and during the summer conducted a young people's group at St. Mary's Chapel.

—B. M. Cartwright (Deaconess) Director of Religious Education.

ANPAO KIN SANTEE - - - NEBRASKA

Millard M. Fowler - Publisher

Anpao—The Daybreak. is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Executive and Editorial Office, Mission S. D.

EDITORS

Rev. Paul H. Barbour - Mission, S. D.
Rev. C. C. Rouillard--Little Eagle, S. D.

Entered at the Post Office at Santee, Nebr., as second class matter, and accepted for mailing at special rate of postage provided for in Section 1103 Act of October 3, 1917, authorized May 17, 1920.

The months in which the Anpao is issued are: Jan.-Feb., Mar., Apr.-May, June, July-Aug., Sept., Oct.-Nov., Dec.

(The Daybreak)

Wi akenonpa (one year eca) kafipapi zaptan kajujupi kta.

Wi wikcemna nonpa sanpa topa (two years) eca mazaska wanji kajujupi kta.

Money Order, Mission, S. D., on ope-tonpi qaifi wowapi askape Rev. Paul H. Barbour yekiyapi kta.

SKAIN OKOLAKICIYE WAKAN ONAJIN TAWA KIN

Matt. 16: 15, "Na niś matuwe kehapipi he?" 16, St. Peter ayupte "Christ Wakantanka niun Cinrintku kin he niye." Yunkan Jesus heye; (St. John 1: 42 he el wanyaka wo) "St. Peter he niye: Cephas eniciyapi kta, Inyan (a stone) eyapi kin hee." Peter wanna Imnija kin hee śni wanlakapi, ege Taku ca he Imnija eya cajeyatapi na akanl Jesus Okolakiciye Wakan tawa kin kage kta oglake kin he, Iye Towakan St. Peter yaotanin na "Christ Wakantanka niun Cinhintku kin he niye" eye cin hee. Nakun St. Paul heye: (I Cor. 10: 4) "Imnija kin he Christ hee."

Ho, taku sutaya oluspapi kta cantowakpani kin he (a) totanhan Jesus oyate eгна Iglutanin kin hetanhan Okolakiciye Wakan Owancaya wan kage na (Eph. 5: 23) "Pa kin he Iye" kta on wowaśi econ hi. (b) "Oyate oyasin na wicaśa tokel unpi kaśa ataya he el opapi kta cinwicakiye.

Tanka awicaye kin isakib wikopapi kin he el wicau ce eyapi kin he ognayan lena aktakta nayañonpi kta oiya-cinyan wapahi.

Niyepi kinhan woeye kin le tanyan iyeyakiyapi iteka. Śinasapa Okolakiciye Wakan opa kin heyapi ece: Oko-

lakiciye Wakan unkitawapi kin hecela wocekiye tokapa kin hee. Woeye kin le iwanlakapi kta. Yeksuyapi Christ Wankan Kingle kin iyohakam Iye Wahośiye Wakan wicayuhe "qon hena owancaya iyayapi, na St. James Owotanna (The Just) he Jerusalem otonwe el Okolakiciye Wakan el Wahośiye heca un he ognayan Juda oyate iyekiyapi. Jesus Kini kin iyohakam James eciyapi wan en (I Cor. 15: 7) iglutanin qon hee. St. John Ephesus ekta iyaye. St. Thomas India makoce ekta; St. Jude Persia ekta; St. Matthew Africa ekta; St. Peter Rome otonwe ekta; St. Paul Asia Minor makoce ekta. Lena eepi oyanke tona ekta ipi hecinhan hena el akilehan Okolakiciye Wakan Owancaya kin el ośkiniciyapi kta iye-cel kağapi, tka he icunhan onge Rome otonwe el wocekiye tokapa yanka keyapi ece kin he toketutaninśni, ecin Rome el Okolakiciye Wakan kin hihunni śni itokab Jerusalem hel Wahośiye Wakan kin mniciyapi (Acts 15: 13) qonhan St. James he Itancan yanke. Nakun Rome etu śni, tka Antioch otonwe ekta Christ ihakam unpi kin (Acts 11: 26) "tokaheya Christian ewicakiyapi."

Saglaśa Makoce (Britain) el tuwe tokaheya Christ etanhan wowaśi (Christianity) ahi kin tuweni slolye śni, tka Saglaśa Okolakiciye Wakan kin he Henry VIII wicaśayatapi un icunhan nakaeś icaga ce eya Śinasapa opa kin woyakapi ecee kin he hecetu śni. Wooyake eciyatanhan Okolakiciye Wakan kin Asia Minor makoce ekta hiyohi na hetanhan Waśicun Ikceka (France) makoce etu na Saglaśa (England) makoce imahel ahi icage. Oka-ge kin eciyatanhan Owancaya (Catholic) heca, tka Rome woawanyake itokan tawaičiya igluha. Na tanyan iyo-pta 314. A. D. heehan France makoce el Arles otonwe el Omniciye qonhan Saglaśa Bishop yamni Eborius, Restitutus na Adelfius hena el opapi. Nakun Constantinople otonwe ikanyela Niceca el omaka 325 A. D. qonhan Omniciye econpi ekta kañniñ yewicaśipi qeya yewicayapi.

Hecel omaka 596 en Rome otonwe etanhan Augustine yewicaśipi ognayan hi qonhan, wan lecel Saglaśa Okolakiciye Wakan kin yupiyakel inyanke na iyopte, nakun tokantanhan lecel econ wo eciyapi ogna śkan kta wicala śni heca e iyeye, na om iyaiglaśke wowaśi econ. He iyohakam 1215, A. D. heehan Saglaśa oyate kin iye wicaśayatapi tawapi John eciyapi kin he cin śni eśa wowapi wan Wayuwicaka Tanka (The Magna Charta) he el caje eicignakekiyapi. He el Saglaśa Okolakiciye Wakan tawaičiya un kta na akapantanhan woawanyake ihunkuya on kte śni kiciyuśtanpi, nakun ohakam oma-

ka 1164 heehan Clarendon el woope kağapi kin, na 1351, 1353 na 1393 omaka hena el woope kağapi lena eciyatanhan Saglaśa oyate tawaičiya unpi kta oun kicagapi na Śinasapa Itancan (Pope) wokagi eonpe kte śni iwanyag waeconpi kin lena on Saglaśa Okolakiciye Wakan kin he naiś wicaśa nagi nipi kte cin wicaśa wan agle kağapi śni, tka ee (D. S. B. 361) 'Wahośiyepi na Waayatapi oagleya, na Jesus Christ Iyeħca oiseinyan itancan kin hee, akan kağapi kin" he yuwicake. Wahośiyepi ta-anpetupi hehantanhan Wicaśa Wakan obe kin Bishop, Priest na Deacon lena Christ Okolakiciye Wakan tawa kin el unpi na Wahośiye woonspe tawapi kin unyuhapi. (Olowan 70 el) Wowicala ota kin on kakija; Ĥtani na wicakiś un eśa. woiwanyake on ohiye kta ape un.

Omaka 1588 el Saglaśa oyate kin azuwicayapi tka itkom Spaniyo oyate (Spanish Armada) wata optaye tawa kin ohiwicayapi qon he iyohakam America makoce ekta Saglaśa (English) iglaka upi kta okihiya unpi na okihipica wan heca.

Hecel omaka 1607 heehan makoce kin leciya miniwanca kowakatanhan Okolakiciye Wakan kin ahipi, na Mihahanska oyate iye igluhapi kta on okicize econpi enakiyapi qon ohakab Protestant Episcopal Church eya cajeyatapi. Hecel May wi omaka 1607 hehantanhan le maka wita kin el Wocekiye Wowapi ilagya ohinniyan wocekiye econpi.

Sanpa waokihiya inyanke kin on (a) Rev. Dr. Samuel Seabury, America el Bishop tokaheya, na (b) Dr. William White, Pennsylvania etanhan he 1789 el Omniciye Tanka (First General Convention) tokaheya kin wicayuwitaya henaos wicakiksuyapi kta iyececa.

Hetanhan u kin unkiś Lakota kin eгна Bishop wanna śakpe om unqonpi, nakun Waśicun Wicaśa Wakan ota na Lakota Wicaśa Wakan 61 ecel yewicaśipi wowaśi econpi.

Ho Tuwe Okolakiciye Wakan kin kage na Pa kin hee kin wanlakapi; na wicaśa tokel unpi kaśa ataya iwanyag kage nakun wanlakapi, leon Okolakiciye Wakan Owancaya eciyapi kin hee. Wowasukiye, Wowaśake na Wowaśi tawa kin he ayeciblezapi kta kecannicinpi. Tuwe kaśa el ope kta he wicoħan tawa, Baptisma qupi kta naiś Christ Okolakiciye Wakan tawa tancan kin el aicage kta; Wicayusutapi wocon ope kta, Bishop nape on awicapu-take on woiwahoye, Woniya Wakan Wawicaqupi kin icu kta; yuśna śni Wotapi Wakan Wakiconzapi kin he econ kta; Okolakiciye Wakan tanyan iyopte kta on wocekiye eye kta; Anpetu Wakan naiś owacekiye hena el bli-

Ashley House Correspondence School

Thirty-third Quarter Year.

July, August, September, 1935

The first column after the name indicates the total number of lessons done during the quarter. The other columns give the lesson numbers and the grade attained.

	Done this ¼	Bible (O.T.)	Church History	Prayer Book	Gospel	Acts
CHEYENNE						
Patrick Shields	2	* *		* *	13-14 B†	
Paul Little Skunk	3			13-15 B		
Frank Jewett	2		17-18 B†			
Felix Eagle	2			9-10 A-		
PINE RIDGE						
Oliver Sun Bear	2	.	40 C-	* *	31 D-	
P. R. CORN CREEK						
Edgar Brown Bear	2			5- 6 C		
ROSEBUD						
Isaac Yellow Robe	1	* *	*47 B	* *		
Silas Standing Bear	2			8-11 C†		
Rev. Walter Williams	1	* *	* *	* *	47 B†	
James Driving Hawk	3	*32 A-		* *	7- 8 A-	
Stephen Moccasin	3	30 D	17 C	24 D		
SANTEE						
Gabriel Rouillard	4	24-25 B		20-21 B-		
Harry Rockwood	1	3 A-				
STANDING ROCK						
John Standing Cloud	½	* *	* *	* *	* *	23 part
Sidney Bears Heart	4	* *	41-42 B†	* *	38-39 B†	
NORTH DAKOTA						
Joseph Two Bear	10	* *	* *	* *	38-43 B†	3- 6 A†
Albert Simpson	6	9-10 A-	9-10 B	9-10 C†		

Courses and examination completed this quarter:

- *54 Rev. Walter Williams, Rosebud. Gospels 87.5%
- *55 Isaac Yellow Robe, Rosebud. Church History. 86.4%
- *56 James Driving Hawk, Rosebud. Bible. 90%.
- * * This indicates that the course has been completed.

Number of men this quarter—17. Number of lessons this quarter—48.
PAUL H. BARBOUR, Warden.

heca kta, mazaska na wowaši on okiye kta na wowaši wašte econ kin hena nakun el wawokiye kta;; Wakantanka Iglutanin cin on woonspe hena onspe-iciye kta na wiconi el oħan owotan-na igloayapi kta cinwicakiye kin he nakun slolye wacin kta; ;wooyake ta-wa wicayukini kin yawa kta; woonspe tona icu kin hena on ohinni nakicijin kta.

Le onajin wan on lila ptecela wo-blake kin, tokin on sanpa, ehanna oyanke nitawa tohan un tka lehan ai-yecetu šni wanlaka hecinhan ake niye kin wowalitake na waoholapi na wo-wacinye hena yuwankal ikikcu na wo-waši ecakicon wo.

Tona le lawapi kin oyasin yuonihan-yan nape ciyuzape lo.—C. C. R.

That man lives twice who lives the first life well.—Herrick.

STANDING ROCK MISSION

Little Eagle. S. D., October 19, 1935.—Kola: Wanna oyanka lel Tipi Wakan teca wan kağapi kta otanin kin he ka-ħayapi ohanskecin 40 feet na oglakin-yan kin 20 feet na ogna hakicunpi oyanke kin 15 feet hanske na 8 feet og-lakinyan.

Nakun Wicaša Wakan Oti kin he 24 feet x 20 feet kte, wankan tipi koya kağapi kte. Ataya teca kte.

Wanna mini yutajapi wan lila oyatke wašte yuštampi na oksantanhan oyate kin mini tokšupi.

Tipi Wakan ħakakta kin leon owasin wocekiye ehapi kta iyececa. Na tokin tona hel timahel hipi kin hena tiyata iye tipi ekta Wakantanka yuha kipi nin ecanmi, Išnana Woyawašte (Bene-diction) iyojula wicaqu kte cin hee. He eciyatanhan taku ohiyapi kin he, tona wicayawaštepi kin om wowitan

en Iye kici unpi nin ecin wocekiye ehapi kta iwacinciyapi.—Nitakola mi-ye—C. C. R.

STANDING ROCK MISSION

Little Eagle, S. D., Oct. 24, 1935.—Anpao Kin Kola: Woyakapi wan wo-winihan na onaħon wašte ħca na wi-ciyokipi na wiciblaza ca oyakapi. Hektakiya omaka 1886 qon heehanl wocon heca, na Wakpala oyanke hetu ca he wocon kin le econpi. Na he anpetu lehanyan oyakapi ca he wašte ħca na onaħon wašte ħca heca kin on oblake kta wacin ye lo.

Tuwe wan Joshua Iron Necklace eci-yapi qon he 1886 heehan tokaheya Wakpala el Okolakiciye Wakan el wo-waši econ na he tanyan škan, tka ak-šaka tawicu cola canke heon Omniciye yankapi icunhan, wanji najin na wa-cajeyate. Itancan unkitawapi kin ta-wicuton kta cajeblate eya. Yunkan wanji okiye, hecel tawicuton nainš he-cegna tanšna un kta heniynos on wo-iwange. Yunkan tawicuton kta yu-štampi. Hecel hehanl tuwe winyan wan yuze kta hecin heon iwoglakapi. Winyan nom wicakaħnigapi, na on na-jinpi; yunkan unma hunku kicila un ca hee yuze kta yuštampi. Hecel he-hanl wiokiye yin kta nom wicayuštampi. Mr. Peter Webster hee na unma kin he Catka eciyapi wan Chief Police heniynos eepi; ca iyayapi na winyan qon he hunku kicila yanke cin el ipi. Na Okolakiciye Wakan wayuštampi qon he owicakiyakapi. Yunkan hunku kin awicayupte, na lecel eye: “Cunks, wa-kanyan woštan pe ca ecel econ we,” eya. Yunkan oyušpapi kin inš eya he-cel wicala kin on anpetu wan kaħni-gapi, na he el Omniciye yankapi na ake cokata wioyuspe ipi qon hena wog-lag-wicakiyapi. Yunkan hecetulapi kin he oyakapi. Nakun winyan qon he hunku kici cokata woglag-wicakiyapi. Yunkan wakanyan woštampi heon wi-calapi woglakapi.

Hecel Rev. Henry Swift eciyapi qon he hi ca el awicakipi na woyuonihan tanka ogna Wakankiciyuswicakiyapi, omaka 1886 heehanl heconpi. Na wo-cekiye opa oyasin wamnakiyapi na na-pin woyuha ota, na tiwahe ikipiya wa-wicaqupi. Hecel Joshua Iron Necklace winyan qon he owotanna kici un, ecel cincapi wan icage. Wikoskalaka wa-cinyepica un. atkuku na hunku ana-wicakigoptan un na ecel henapila. Ho le Okolakiciye Wakan tawoecon kin wašte nainš toketu kecannipi kta wa-cin, na heon le oblake lo.. Na lehanl oun unkitawapi kin lel le oecon kin to-kaš wašte selececa ye lo. Iwanyaka po, Okiciyuze Wakan tohinna tuwena econpi šni. Wayasu el ecela lehanl heconhanpi, na heon woyuonihan kin

(Continued on Page Four)

CHEYENNE RIVER MISSION

St. Thomas Chapel.—Anpao Kin: Hekta omaka kin el St. Thomas oyate kin oyanke tawapi na Okolakiciye Wakan kin el tokel wowaši ocon unkitawapi kin na heon lehantu kin cae-kle wanji ektawapa inaunjinpi kecanmi. Okolakiciye Wakan Wiwicawangapi on oiyaye kin on hokšila 3 na wicincala 1 hena Confirmation opapi. Na wakanheja 4 Baptisma wicaqupi. Lena ake Okolakiciye Wakan kin el aicagapi; heon Convocation akli qonhan on August 25, 1935 el Wakantanka wopila unqupi na Confirmation Class kin om waunyutapi.

Na oyate kin Tunkanšilayapi Woa-wanyake eciyatan wowaši econpi kta on abebeya yewicayepi on lila Okolakiciye Wakan kin oyanke unkitawapi icakije se inyanke eša oyate kin lila blihecapi, maka iyutapi 15 naiš 27 Anpetu Wakan eca wacekiye au, na womnaye, wayazan owicakiyapi na Wacekiye Wicaša tawapi kin okiyapi, na Anpetu Wakan wicokaya sanpa icunhan Short Service unyuhapi, ohakam wowaši tawapi el ekiktonwanpi kta on omniciye econpi. Lena lece tu kin el taku hca on unikakijapi qon he Tipi Wakan unkitawapi kin tate on yušice cin on, eša wancag Bishop kiyutaninpi šni ecel on šicaya he qon ake lecala July wi kin el wasu hinhan wan okna hiyu na windows ota kableblece.

Ake akta 4 inches kitanla sanpa yui-paweh ekle kin Bishop wancag wowa-pi waqu, hecen windows hena ounkiyapi ca lecala iwacu, wopila heca.

Heon oyate kin Tipi Wakan piya kicagapi September 8, 1935 eklušanpi. Le itokam apiyapi kta on womnaye wan lel wahi hetan iyopte, he wanna lehan \$90.00 mnaunyanpi. Sanpa wamnaunkiyapi na Bishop icekiyapi wowa-pi Mission Council Committee kin kicagapi kta klušanpi. Awicakehan micante ataya on Wakantanka cekiya waun, tokin Itancan tawaonšila kin ekta unhipi nin ecanmi. Na tokša Tipi Wakan kin ake tanyan hin kta iwa-cinwaye. Na lena icunhan oyate kin lila waŋpanica unkayapi, mazaska ote-hika. waicage šni, oyate woyuha tawapi qon atakuni šni aye. Nipi kta Relief work ekta yapi icunhan tiwahe tawapi awihnuni aye. Na tiwahe awan-klakapi kta on, wowaši ocon wanji iye tipi ikanyela cinpi on wanna Petition nonpa ateyapi icekiyapi el owapa eša takuna unkokihipi šni selececa. Na he taku on hececa kin he Big Project nom Cheyenne Reservation kin el iyopteyapi heon hececa. Tka oyate onšika unkayapi heon iyotan Wakantanka Wakilapi Wocekiye kin unkayušanpi kte šni ees sanpa iyountapi kta, kinhan tokeša woonspe na Woslolye Iye etan unki cupi kta, kinhan oni wan tokeca el inaunjinpi kta. Yunkan he woce-

kiye unkeya-yuke qon woayupte kin hee kta hecel wicawala.

Eya taku wanji awableze. Lakota kin (North America) kin lel woyuha yuecetupi šni kin heca ota unyuhapi šni yunkanš, wanna oyate wan citizen of the U. S. na member of a Liberty Nation heuncapi kta tka. Wopuha ota unyuhapi heon wicaša waslolyapi na wicoŋan wokamna okaŋnigapi qon he-na woyuha unkitawapi on locinpi kin on pahukul unyuzapi na le anpetu kin on oyate wan woawanyake oŋlatiya ni-un kin heuncapi kin on wowašake ekta unyanpi kta unkuwapi kta iyececa qon he, Woonspe kin he unma, na Wakan Cekiya woonspe napin el waonspe unkičiciyapi na ecel ilag unyanpi kta hee kecanmi. Eya woonspe kin le Wašicun kin heceela hci unkipi okihipi šni, tka unkiye tokieŋpe unkiyapi kta wan yan-ka, ecel ilag onpi šni kinhan; ho heon Lakota hokšila na wicincapila blihei-čiya po. Na woonspe luhapi kin kluha wokamna wicoŋan kin mahel ya po. Na eciyatan (Business) wicaša wan koyag klinape wacin po. Na tona Wokan wakan woonspe luhapi kin kluha Okolakiciye Wakan kin mahel ya po. Na Wowakan wicoŋan wowaši koyag klinape wacin po, kinhan oyate wan oičiyewacin, na citizen na Christian oni el un kin heuncapi kta. Na he ocon kin wanna iyehantu we lo. Nahanhcin oape wan u ca ape na-unjinpi kta heca šni ye lo. Na taku wan aiyotan yanke qon he lee. Wakantanka unakiktonjapi kte šni kin hee ye lo. Lakota oyate kin. Tka woaktonje šice cin le unyuhapi kinhan wiconi kin le el, na nakun tokata piya wicakini kte, napinyan el wokakije u kta kin heon bliheca po. Unkna waciniboyašakapi kin. Tka tokata etonwan po, taku u kte cin iyukcan po. Na wicaceŋpi woiyutan kin nakicipa po. Tka wicoicage nitawapi kin he nakicijin po. na okiciya na kicikloaya po.

Indian Bureau etan wicoie qon he kipajin po. He lee. Lakota wanji ta echantans eceela Lakota wašte heca ce eyapi kin hee. Tka niyaunpi kin etu e Lakota wašte henicapi kta e; iwankam wicoie epe cin he kiksuya po. Wowinawize, wokipajin, na witantanpi kin etan wookiye ekta iklutokeca po, kinhan hecel on Good Indian heuncapi kta kecanmi.—Nitakuyepi wan, Patrick Shields.

PORCUPINE OKODAKICIYE

(Continued from Page One)

Pretty Hip, 5 Mrs. Mary Eagle Fox, 6 Mrs. Jennie Porcupine, 7 Mrs. Amy Eagle Fox, 8 Miss Julia Brave Heart. Teca Omniciye etan: 1 Miss Lillian Iron Cloud, 2 Miss Grace Eagle Fox,

STANDING ROCK MISSION

(Continued from Page Three)

le ableza po, na akanl kanl waeconpi ye. Lehanl ite wašte ecela akiciyutapi na wowicake mahel yanke con tuwena on okiciyuze econpi šni ece ye lo.

Ho henala epi kte lo. Le tona lawa-pi kin awiyukcan po. Napeciyuza pe lo. Your brother in Christ, Johnson Brown Eagle.

MRS. B. P. LAMBERT, TOIE

Okreek, S. D., October 14, 1935.—Anpao Kin: Calvary Church el Winyan Omniciye kin oitancan apičiyapi na lena omaka wanji wan opta Wakantanka Okodakiciye Wakan tawa kin ihukuya wowacinye na wowalitake yuha wowaši econpi kte. 1. Mrs. B. P. Lambert, 2 Mrs. Harriet Ross, 3 Mrs. Elizabeth Red Buffalo, 4 Mrs. Virginia Cordier.

Ho hehanl mitakuyepi tona "Anpao Kin" wanlakapi kin owasin taku wanji yeksuyapi kta iyececa, na he kiksuye—ciciyapi wacin ye. Hekta Convocation qon heehan Winyan Omniciye kin taku iwoglakapi qon he Bishop Hare, "Anpao Kin" he yawašte na ipuše (Seal) tawa kin el iyaskabye, na heon yuwicake. Heon etanhan "Anpao Kin" he te kte šni, tka niun kta. Heon Winyan Omniciye wošanpi qon he oyanke iyohi Winyan Omniciye unpi kin tohan etu canna anpetu wanji he kaŋnigapi kta, "Anpao Kin" acejeyal na he el taku woecon wanji econpi na he el kašpapi nainš mazaska tona kamnapi kin he owasin on "Anpao Kin" okiyapi kta ca wancake Rev. Paul H. Barbour yekiyapi kta. Hecel Winyan Omniciye wošanpi ho he owasin yeksuyapi, na yapatitanpi kta wašte ye.

Convocation ekta Delegates yapi qon he, na omniciye el wošanpi qon hena tiyata kipi qon ekta oyakapi šni on ecel econpi šni yuke kin, heon še-hans taku kin le, el etonwanpi na econpi kta wan heca kin le on, "Anpao Kin" iyacu kin sanpa olake kta na ecel econqonpi kta otoiyoŋi heon tokata Convocation kin tona ecel ecanonpi he? eya woiwange kinhan, tokin owasin lu-ececupi on lugatapi nin ecanmi kta. Ho hehanyan epin kta, heon mitakuyey owasin cantewašteya napeciyuza pe.—Yuonihanyan, Mrs. B. P. Lambert.

3 Miss Ethel Old Shield, 4 Miss Lavina Red Star. Advisor Mrs. Emma Black Bull.

Social Service Committee Mr. Eddie Iron Cloud, Sr., Mrs. Lucy T. Holy Bear.—Mr. Moses Parts His Hair, wowa-pi kağa le yuotanin.